



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU BOSANSKOHERCEGOVAČKE NARODNE STRANKE

Broj: 03-07-6-384/15
Sarajevo, 28. juni 2016. godine

S A D R Ź A J

MIŠLJENJE.....	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Bosanskohercegovačke narodne stanke za 2014. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Heregovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2014. godinu, utvrđeno je da je Bosanskohercegovačka narodna stanka prekršila odredbe člana 12. stav (2), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Heregovine.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Heregovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Bosanskohercegovačke narodne stanke za 2014. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Bosanskohercegovačka narodna stanka se finansirala iz sljedećih izvora:

R/B	Izvori finansiranja	Iznos (KM)	Učešće u izvorima finansiranja (%)
1.	Članarina	880,00	7,46%
2.	Prilozi fizičkih lica (3-a)	6.898,00	58,45%
3.	Prilozi pravnih lica (3-b)	4.000,00	33,89%
4.	Prihodi od imovine (3-c)	0,00	0,00%
5.	Prihodi od pr.lica (3-d)	0,00	0,00%
6.	Prihodi od poklona (3-e)	0,00	0,00%
7.	Prihodi iz budžeta (3-f)	0,00	0,00%
8.	Prihodi od propag. (3-g)	0,00	0,00%
9.	Ostali prihodi	24,04	0,20%
I	Ukupni prihodi (1-9)	11.802,04	100,00%
II	Kreditno zaduženje kod banaka	0,00	0,00%
	Izvori finansiranja (I+II)	11.802,04	100,00%

U godišnjem finansijskom izvještaju stranka je iskazala ukupne rashode u iznosu od 18.344,34 KM.

2. PREDSTAVLJANJE POLITIČKE STRANKE

Naziv političke stranke je Bosanskohercegovačka narodna stanka. Skraćeni naziv stranke je BNS.

Politička stranka je, pod nazivom Bosanskohercegovačka podrinjska narodna stranka, registrovana 19.05.2008. godine i u registar Općinskog suda u Sarajevu upisana pod brojem: 065-0-REG-08-001614, sa sjedištem u Sarajevu, ulica Mis Irbina broj 2. Rješenjem Općinskog suda u Sarajevu, broj: 065-0-F1-12-000015 od 03.05.2012. godine izvršena je promjena naziva stranke, pa je ista u registar upisana pod Bosanskohercegovačka narodna stranka.

U godišnjem finansijskom izvještaju za 2014. godinu Bosanskohercegovačka narodna stranka, pored sjedišta u ulici Mis Irbina broj 2, koje je upisano u sudski registar, navodi trenutno sjedište u Vilsonovom šetalištu broj 10.

Ovlaštena lica za zastupanje političke stranke u 2014. godini su: Edhem Bičakčić, predsjednik i Seid Karić, zamjenik predsjednika.

Lice ovlašteno za podnošenje finansijskih izvještaja za 2014. godinu je Sakiba Crnovršanin.

U godišnjem finansijskom izvještaju za 2014. godinu, Bosanskohercegovačka narodna stranka navodi da nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bosanskohercegovačke narodne stranke za 2014. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Bosanskohercegovačke narodne stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na troškove izborne kampanje.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Bosanskohercegovačke narodne stranke u periodu od 2008. do 2013. godine, nakon kojih su izdati izvještaji revizije sa mišljenjem revizora, nalazima i preporukama revizije.

Nakon izvršenog pregleda finansijskog izvještaja za 2013. godinu, političkoj stranci su date preporuke: da vodi potpune i tačne evidencije o svojim prihodima i rashodima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da finansijske izvještaje dostavlja u rokovima propisanim Zakonom o finansiranju političkih stranaka.

Nerealizovane preporuke:

Bosanskohercegovačka narodna stranka nije ispoštovala preporuku u vezi zakonskog roka za podnošenje finansijskog izvještaja.

5. NALAZI I PREPORUKE

5.1. NALAZI

a) Politička stranka nije postupila u skladu sa odredbama člana 12. stav (3) i (4) Zakona o finansiranju političkih stranaka.

(1) Bosanskohercegovačka narodna stranka je godišnji finansijski izvještaj za 2014. godinu Centralnoj izbornoj komisiji BiH podnijela dana 14.04.2015. godine, nakon zakonom propisanog roka, čime je prekršila odredbe člana 12. stav (3) Zakona o finansiranju političkih stranaka¹.

(2) Godišnji finansijski izvještaj stranka nije podnijela na način kako je propisala Centralna izborna komisija Bosne i Hercegovine².

¹ U skladu sa odredbom iz člana 12. stav (3) Zakona, politička stranka podnosi finansijski izvještaj do 31.03. naredne godine.

² Finansijski izvještaj se podnosi u formi koju odobri Centralna izborna komisija Bosne i Hercegovine. Forma finansijskog izvještaja utvrđena je Pravilnikom o godišnjim finansijskim izvještajima političkih stranaka („Službeni glasnik BiH“ broj 96/13)

- Politička stranka je, nakon podnošenja godišnjeg finansijskog izvještaja, upozorena aktom broj: 03-07-6-384-2/15 od 28.08.2015. godine da je, u skladu sa odredbom članom 4. stav (2) Pravilnika o godišnjim finansijskim izvještajima političkih stranaka dužna dostaviti kopiju godišnjeg obračuna ovjerenog od nadležne institucije (Završni račun za 2014. godinu ovjeren od strane Agencije za finansijske, informatičke i posredničke usluge – AFIP). Bosanskohercegovačka narodna stranka je 29.10.2015. godine Centralnoj izbornoj komisiji BiH dostavila kopiju završnog računa koji nije ovjeren od nadležne institucije, čime je prekršila odredbe člana 4. stav (2) Pravilnika o godišnjim finansijskim izvještajima političkih stranaka.
 - U finansijskom izvještaju politička stranka je iskazala obaveze na dan 31.12. 2014. godine u iznosu od 25.287,97 KM, a nije navela datume njihovog nastanka, čime je prekršila odredbe člana 24. stav (1) tačka b) Pravilnika o godišnjim finansijskim izvještajima političkih stranaka.
- (3) Na zahtjev Centralne izborne komisije BiH, broj: 03-07-6-384-2/15 od 28.08.2015.godine, Bosanskohercegovačka narodna stranka nije dostavila tri potvrde njenih obaveza prema tri pravna lica, koje je na dan 31.12.2014. godine iskazala u iznosu od 16.187,10 KM i to prema pravnim licima: Žica d.d. Sarajevo, u iznosu od 10.454,10 KM, pravnom licu Enmos d.o.o. Sarajevo u iznosu od 3.276,00 KM i pravnom licu Plakat d.o.o. Sarajevo u iznosu od 2.457,00 KM. Kako na zahtjev Centralne izborne komisije BiH nije dostavila traženu dokumentaciju, politička stranka je prekršila odredbe člana 12. stav (4) Zakona o finansiranju političkih stranaka³.

b) Politička stranka nije postupila u skladu sa odredbama člana 12. stav (2) Zakona o finansiranju političkih stranaka i odredbama člana 15.1 stav (1) Izbornog zakona BiH.

Bosanskohercegovačka narodna stranka nije podnijela izvještaj za period od dana podnošenja prijave za ovjeru za izbore do dana objave zvaničnih rezultata Općih izbora održanih u oktobru 2014. godine (postizborni finansijski izvještaj), čime je prekršila odredbe člana 12. stav (2) Zakona o finansiranju političkih stranaka⁴ i odredbe člana 15.1 stav (1) Izbornog zakona Bosne i Hercegovine.

Troškovi izborne kampanje

Bosanskohercegovačka narodna stranka, nije podnijela postizborni finansijski izvještaj, ali je u godišnjem finansijskom izvještaju prijavila troškove izborne kampanje u iznosu od 1.978,00 KM. Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM⁵ po biraču u svakom izbornom krugu, prema broju birača koje je objavila Centralna izborna komisija BiH.

U svrhu izborne kampanje Bosanskohercegovačka narodna stranka je prema podacima Centralne izborne komisije BiH, na osnovu broja birača, mogla potrošiti 154.230,22 KM.

³ Sva lica koja su dužna da podnesu izvještaj moraju da podnesu i dodatne izvještaje koje Centralna izborna komisija Bosne i Hercegovine zatraži.

⁴ U skladu sa odredbom iz člana 12. stav (2) Zakona politička stranka podnosi poseban finansijski izvještaj za period izborne propagande na način kako je utvrđeno Izbornim zakonom Bosne i Hercegovine.

⁵ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

5.2. PREPORUKE

Preporučuje se Bosanskohercegovačkoj narodnoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijske izvještaje Centralnoj izbornoj komisiji Bosne i Hercegovine podnosi u skladu sa Zakonima iz njene nadležnosti i*
- *da na zahtjev Centralne izborne komisije BiH dostavlja tražene dodatne izvještaje i dokumentaciju.*

Komentar

Bosanskohercegovačka narodna stranka nije se očitovala na Preliminarni izvještaj o pregledu godišnjeg finansijskog izvještaja za 2014. godinu.

Pomoćnik revizora

Mr.sc. Goran Cicović

Šef Službe za reviziju, revizor

Mr.sc. Hasida Gušić